



Universitätsbibliothek Paderborn

**Avla ... Thesavorvm Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniæ, 1656

§. 230. Similiter & Summi Sacerdotes illudentes, ad alterum cum Scribis
dicebant. v. 31.

urn:nbn:de:hbz:466:1-45533

Adescensu de cruce, sed a censu de sepulchro se filium Dei debebat ostendere. Si adhuc generatio prava & adultera signum querit, non dabitur ei signum nisi Ionae Prophetae. Bene igitur S. Leo eos sic alloquitur *De quo erroris fonte Iudei talia blasphemiarum venena potassit: quis vobis magister tradidit? quae doctrina persuasit?* illum Regem Israel credere aut filium Dei, qui se crucifigi non sine ptheret, aut a confusione liberum corpus excuteret? non hoc vobis legis testimonia aut protarum ora cecinerunt. Non legistis sane: *Dominus descendit de cruce, sed Dominus regnauit a lingno.* Hac S. Leo addit s. Hieronym. Quid plus est de cruce adhuc viuentem descendere, an de sepulchro mortuum resurgere? *Resurrexit & non credidistis,* & si descenderet non crederetis: vere non credidistis tunc, qui nec hodie credere volunt ne verum Dei filium, omnipotentem, Messiam missum a patre ad tolerandum totum genus humanum a vinculis diaboli & potestate, visis tot mirabilibus.

NE igitur descendas, bone Iesu, de cruce, sed potius preces cordis tui sursum tendant pro nobis ad patrem: Innocens hic sanguis tuus conciliet nobis patrem, & de cruce interpellat pro nobis: atque demum etiam ipse ascende post mortem tuam patrem in cœlum.

§. 230. *Similiter & Summi Sacerdotes illudentes, ad alterum cum Scribis dicebant.* v. 31.

Videntur hi Sacerdotes & Scribae satis obtusis ingenij fuisse, qui illudendi formulas ab ipsa plebe accipientes imitari sunt, satis magno stupore, qui in plebe, ignorantie scripturas poterat tolerari. Idem est hodie genus Ministrorum verbis, hi à plebecula quæ audiernit contra Catholicos Romanosque Ecclesiam dici ut gemmas colligunt & in libros suos infarciunt. Misera cerebella, sed vii isti toleranda, donec Deus exerat iudicium & vel de malis faciat bonos, vel malos male perdat.

OMnipotens misericors benigne Deus ac Pater te humiliter per hunc principum, Sacerdotum & Scribarum in lege & populi errorem, & tuu vilipensione, oramus ut eos & omnes qui ab orthodoxa Catholica & veritate recesserunt, aut alioquin in articulis, quibusdam hallucinantur, errant, & falsa persuasione seducti sunt, paterne visites numinis tui radis corda ipsorum illustres, ipsisque reuoces ac reducas ad erroris sui agnitionem ut sic conuersi, vnicam, veram Catholicam & Christianam fidem, cum uniuersa Ecclesia & Communione ad ipsorum salutem perpetuo retineant, ore profiteantur, & factis ipsis demonstrent, ut te vnum Redemptorem & Pastorem ynanimes in uno ouili audiamus & sequamur.